



Institutiones Canonicæ Sive Ius Ecclesiasticvm

Wiestner, Jacob

Monachii, 1706

XLV. Inspicimus in obscuris, quod est verisimilius, vel quod plerumque fieri
consuevit.

[urn:nbn:de:hbz:466:1-62649](#)

rogatus, si taceat, habetur pro confessio, vel potius negante, se hæredem esse, & in solidum convenitur, *l. De cruce 1. 8. q. 5. ibidem.* Sic etiam, si in judicio positionibus ab adversario approbante & respondere jubente judge, sibi factis respondere sine iusta causa recusat, pro confessio habetur, *c. fin. 5. Verum, de Confessis in b. cum propter contumaciam & judicis contemptum; tum verò quod sic interrogatus, si respondere absque rationabili causa recusat vel taceat, id facere videatur conscientia veritatis sibi ad veritatis, vel; quod non habeat fundamentum sufficiens ad assertioñis suæ probationem.* Simili modo, qui de duobus in judicio sibi objectis unum negat vel excusat, alterum verò silentio prætermittit, hoc confiteri præsumitur ipsa taciturnitate e. *Nonne 3. de Præsumpt. quod loco refertur factum Servatoris nostri, cùm à Pharisais esse Samaritanus, & dæmonium habere, diceretur, posterius hoc disertè negantis, prius verò tacendò contentis Joan. cap. 8. v. 49. Glossa in e. cit. V. Tacendò & Barbosa ad banc Reg. n. 2. in fine.*

4. Cui autem præsens ac tacens in dubio consentire: non etiam confiteri vel inficiari regulariter præsumatur, rationem reddere facile non est; quod, sicut consentire vel dissentire, sic etiam affirmare vel negare liberum & æquum facile utrumque sit. Ex qua causa de aliqua eruenda desperantes plerique ad l. Non omnium 20. ff. de LL. famolum ignorantia asyli, confugere. Non etiam est. Canisius pr. & Barbosa n. 3. eam reddentes; quod consensus sit actus voluntatis acquiescentis: & acquiescere, qui cùm verbis aut signis posset, non contradicit, sed tacet, regulariter intelligatur: confessio autem & negotio consistant in assertione veri aut falsi: aliquid autem verum

aut falso asserere, non intelligatur, qui veritatis aut falsitatis, sive suæ de corum altero assertionis, non edit signum externum.

REGVL A XLV.

Inspicimus in obscuris, quod est verisimilis, vel quod plerumque fieri consuevit.

S U M M A R I U M.

1. Præsentis Regula cum alia conflitit;
2. Declaratio verborum Verisimile & Plerumque.
3. Sensus & ratio Regulae:
4. Cuius in omni materia est usus.
5. Difficultates ei objecta tolluntur.
6. Ordo servandus in dispositionum interpretatione.

*I*n obscuris sequi Minimum, Reg. In 1. obscuris 9. ff. & 30. hic: præsenti eius consona Civilis Regulâ 11. 4. Id quod verisimilius aut plerumque fieri consuevit, inspicere ac tenere jubemur: quarum Regularum in concordiam reductio expedita erit, si pra oculis habemus explicationem obscuritatis datum ad Reg. 30. cit. n. 1. & quid verisimile sit & plerumque eveniat, intelligamus.

Verisimile dici potest, quod, rei & actus natura, ejus & personarum qualitate & circumstantiis ponderatis, Jure etiam usque & ratione spectatis, veritati proximum aut vicinum appareat. Plerumque autem, quod in ejusmodi negotiis fieri communiter & ordinariè consuevit. Unde

Præsentis etique consona Regule 11. 4. *in Pandect. sensus est, Quando statuente aut alter disponent mens ac voluntas aliunde perspectiva & circa non est, inspicimus & sequimur id quod rei sive actionis natura, ejus & personarum qualitate ac*

te & circumstantia ponderatis, Jure etiam usque ratione speclata, veritatem magis conforme & proximum est, vel in similibus negotiis fieri communiter & ordinari conjuevit. Ratio partis Regulae prioris est; quia verisimilia pro veritate habentur, arg. l. Cum quid 3. ff. Si cert. pet. ut veritatem, & præsumptionem in verisimili fundatam pro te habere, paria reputantur, quamdiu contrarium non apparet; l. Licet 74. ff. de Legat. 1. atque idcirco ex verisimilitudine quasi lege omnes penè leges dirimantur: ad eamque impugnandam non nisi liquidas & necessariò concludentes probations admittantur, per tradita à Tiraquello in l. Si unquam 8. C. de Revoc. donat. Prefat. n. 37. & Gratiano Difcept. forens. cap. 8/8. n. 16. Posterioris vero; qui non id, quod perraro, sed, quod communiter accidit, spectare legum conditores, l. Ex his 4. & l. Nam adeo 5. ff. de LL. aliterque disponentes & contrahentes facere non solent, nec in dubio præsumuntur, l. Certi 9. §. 8. Ibi, Cum quosidie pecuniam mutuam poscamus, ff. Si cert. pet. Glossa in l. N equo 10. V. Cum nibil, C. de Probat. & Pa lacios in Rubr. de Donat. inter vir. & uxor. §. 9. n. 6.

Ex hac ratione Regulae usus ferè quotidianus est, & per omnes materias diffusus; cum verisimile & quod plerūque solet, sicut in conjicienda testatorum voluntate principem obtinet locum, sic & in conjecturanda mente ac voluntate contrahentium maximè valeat: ab eoque omnes penè dispositiones recipiant interpretationem; sic, si quis institutò filio substituat Titum, istius substitutio facta intelligitur sub conditione, Si filius sine liberis decesserit, l. Cum avus 102. ff. de Condit. & demonstr. quod patrem, si de nepotibus cogitaret, aboliret filio substituere voluisse, nec verisimile, nec usu re-

ceptum sit, l. Generaliter 6. V. Cum autem C. de Inst. & substat. &c. si quis frumenti scapham quindecim florenis vendidit in loco, in quo floreni imperiales 60. Heluetici verò 40. duntaxat crucigeris confantes usu recepti sunt, inspicimus verisimile, & iis florenis venditionem celebratam judicamus, quorum quantitas ad frumenti venditi estimationem proplus accedit, Tiraquell. de Rerat. §. 1. gloss. 18. n. 74. Ita percussionem filii à patre correctionis potius quam vindictæ causâ & injuriandi animo factam, in verisimilitudine fundatâ præsumptione judicamus, l. Unic. C. de Emendat propinq. Demum, ut innumerā præteream, etiam mulier mortis metu confugiens ad Monasterium, in eoque aliquor annis perseverans Religionis professionem tacitè edidisse, non præsumitur, quamdiu metus causa duravit; quod verisimile sit, eam in Monasterio perseverasse ex eadem causa, ex qua id est ingressa, c. 1. de Iur. que vi metusve causâ, ubi Innocent. V. Ratum, & Panormit. n. 12.

Ex iis, quæ Regulae objiciuntur, duo merentur discussionem. Primum est; quod, cum verba legis deficiunt, deficit ipsa lex, l. Dies 4. §. 6. ff. de Damno infesto, & id, quod verba sonant, non quod verisimile tantum est, sit inspicendum; cum propositum mente retentum nihil operetur, l. Si reperandi 7. C. de Condit. ob caus. dat. & calus non expressus pro omisso habeatur, l. Commodissimè 10. ff. de Liber. & postb. Alterum; quod probatio necessario concludere debeat; nec sufficiat, rem sic esse posse, sed eam sic esse, ostendere sit neccesse, l. Martini 17. C. de Probat. & l. Non hoc 4. C. Unde legitimis.

At neutrum tanti ponderis est, ut contra Regulam aliquid possit. Primum partim; quia non nuda legis verba, sed mentem quoque legislatoris, sive, quid verisimi-

L 111

verisimi-

verisimiliter actum sit, attendi oportere, aperte docemur, l. *Scire 13 ff. de Excusat. auctor.* cuius §. 2. Modeltinus, Et si, inquit, maximè verba legi hunc habeant intellectum, tamen mens legislatoria alius vult: partim verò; quia tritum illud, ubi verba legis deficiunt, deficit ipsa lex, sic exaudiendum est. *Nisi juris provisio aliud sequi jubeat,* Tiraquell. l. cit. n. 35. In obscuris autem verisimilia & plerumque contingentia inspicere ac sequi, legalis & canonica provisio, imo Regula nos docet. Posteriori; quia probatio concludens solum esse debet, quando rei vera & persea probatio haberi potest. Quando autem talis haberi nequit, sufficit presumptiva, praesertim fundata in verisimilitudine & iis, qua communiter continguntur. Baldus & Salicet. l. *Non hoc cit. ille V. Revoco,* iste *V. Circa,* & Gaill. Lib. 2. *Observat. 97. n. 6.*

6. Pro praesentis & Reg. 114. cit. cum Reg. 9. & 30. suprà declaratis conciliatione probè advertendum est, utrasque subsidiarias esse; cùm quando disponens cujuscunq; mens ex dispositionis tenore aut aliunde exploratur est, quæstio voluntatis & undecunq; petita interpretatione non admittatur, l. *Illi 29 ff. de Legat.* 3. & supervacanea perinde sit, ut lucernæ illatio ad diem meridianum, clavisissimo solis lumine illustratum. Quando autem ea perpicua & certa non est. Imprimis attenditur, quod à disponente, vel inter contrahentes est actum, l. *Semper 34. pr. ff. hic, l. Emptioni 3. & l. Cùm quid 4. ff. de Rob. credit.* Si de eo non constat, secundum Reg. 114. & praesentem inspicere & sequi oportet, quod verisimilius, & in ejusmodi negotiis fieri plerumque consuevit. Quid autem verisimilius sit, ex consuetudine usu loquendi ac scribendi ipsius dispositoris; ex consuetudine loci; ex prævio

aut dispositioni subiecto tenore instrumenti: ex conditione, qualitate & affectione personarum, inter quas negotium est gestum: ex rerum inter se vg. pretium cum merce comparatione & similibus circumstantiis alii defunti potest.

Si ex his disponentis mens verisimiliter non appareat, ad verborum significacionem propriam recurrentur: l. *Non aliter 69. ff. de Legat. 3.*

Demum, si, his omnibus consideratis, disponentis voluntas obscura remaneat, Reg. 9. Reg. 30. cit. & id, quod minimum est, sequitur: nisi hoc quoque non appareat, & dispositio propter nimiam obscuritatem & incertitudinem pro irrita sit habenda.

REGULA XLVI.

Qui in jus succedit alterius, eō jure, quō ille, uti debeat.

SUMMARIUM.

1. Similis buic Regula Civilis.
2. Successor alius Universalis est, alius Particularis.
3. Sensu Regula:
4. Qua in defuncti herede:
5. In successore in Regno vel Principatu,
6. Vel in Prelaturâ aliaj dignitate Ecclesiastica:
7. Et in singulari etiam successore procedit:
8. Mors Ultimam defuncti voluntatem non solvit.
9. Obligatio ex maleficio non transit in heredes.
10. Difficultates Regula objetta,
11. Et solute.

Eadema